



Universitätsbibliothek Paderborn

Qvæstiones Morales Selectiores De Lege Interna Et Externa

discussæ, ac Resolutæ, & in duos Libros divisæ, In quibus, propositis casibus, prima quædam principia, ad plurimas alias Quæstiones similes resolvendas perutilia, subinde examinantur

De Lege Externa

Beati, Gabriele

Augustæ Vindelicorum, 1729

VD18 80376800

26 An lex à Diuinis suspendens, suspensum choro assistentem distributionibus priuet.

urn:nbn:de:hbz:466:1-39888

Quæst. XXVI.

An Lex à Diuinis suspendens, suspensum Choro assistentem distributionibus priuet.

CASVS.

CANONICVS quidam, quamuis ab Episcopo à Diuinis officijs suspensus, Chorū tamen, vt prius frequentauit, & officium cum alijs recitauit. Tempore autem distributionum, eas cum alijs percipere volens tanquam sibi debitas, ab Episcopo obtinere non potuit. Quæritur; Vtrum illi fuerint iuste negatæ.

SUMMARIUM.

- 2 Lex à diuinis officijs suspendens, suspensos iuste distributionibus priuare videtur.
- 3 Cum suspensus, diuina officia non persoluat ex officio.
- 4 Suspensio, quid, & supra quos cadat.
- 5 Suspensio, ad quos extendatur.
- 6 Suspensio, diuina officia persoluenti, distributiones iuste negari non possunt.
- 7 Distributiones, sunt debitæ præsentibus, & canentibus in Choro.
- 8 Suspensio à Diuinis officijs, ab ipsis tantum suspendit, quæ ordini sunt annexa.
- 9 Ad distributiones percipiendas, necesse non est, præstare omnia, quæ præstantur in Choro.
- 10 Suspensio, intelligitur solum, à diuinis officijs, ex officio, exercendis.
- 11 Suspensus ab officio, non est suspensus ab eius exercitio, per modum Laici.
- 12 Suspensus ab officio, intelligitur, tam ordinis, quam iurisdictionis.
- 13 Non intelligitur tamen suspensus à beneficio.

14 Suspensus ab ordine, intelligitur ab omnī ordine.

15 Non tamen à iurisdictione.

16 Nec à Beneficio.

17 Suspensus ab ordine inferiori, censetur suspensus à Superiori.

18 Suspensus à Beneficio, an eius fructus percipere possit.

RATIONES DVBITANDI.

AD Legis etiam pœnalis extensionem, pertinet; an Lex à diuinis officijs suspendens, suspensos diuina officia recitantes distributionibus priuare. Videatur enim priuare, & consequenter distributiones Canonico iuste videntur fuisse negatæ. Ita Nauarr. c. 27. num. 116. Saxon. lib. 4. c. 4. num. 10. Filiuciustrad. 17. cap. 2. quæst. I. num. 21. Viuald. de Sacr. p. 2. de suspens. num. 171.

Probatur; Quia distributiones debentur solum præsentibus, & canentibus in Choro ex officio; dantur enim solum propter exercitum officij; sed Suspensus à diuinis officijs, ea persoluere non potest ex officio, & consequenter, nec in Choro canere, tanquam Hebdomadarius. Ergo distri-

STRAUO

distributiones illi non videntur debitas; ideoque iuste negatae.

NOTABILIA.

ADaertendum est primò; Suspensio nem, esse Censuram, qua persona Ecclesiastica impeditur, ne sui officij, aut beneficij, vel ordinis, in torum, vel in partem; in perpetuum, vel ad tempus, functiones exerceat. Hæc autem censura, supra Laicos non cadit, sed solum supra Ecclesiasticos, aliquo exercitio spirituali illos priuans; Quia soli Ecclesiastici habent officium ordinis, aut iurisdictionis, vel beneficium; circa quæ versatur suspensio; priuans aliquando exercitio ordinis, aliquando iurisdictionis & aliquando beneficio, aliquando his omnibus simul.

S Aduertendum est secundò; Suspensionem, quæ aliquem exprimit effectum, ad illum solum extendi, & ad ea, quæ illi sunt adnexa. Cum enim verba Censuræ, efficiant id, quod significant, nec aliter operentur, quam significando; sequitur, quod ad eum solum effectum se extendant, quem significant, & non ad alium. Hinc autem fit, ut suspensus à celebratione, reliqua sacerdotis onera præstare possit. Et Episcopus ab ordine Pontificali suspensus, ab ijs solum intelligatur suspensus, quæ ordinis Episcopalis usum concernunt; ut sunt confirmare; ordines conferre; Ecclesiæ consecrare, &c. non vero ab ijs, quæ ad iurisdictionem pertinent, ut sunt excommunicare, beneficia conferre, &c. His positis.

RESOLVTIO. I.

AD casum respondetur; distributiones,

Canonico iniuste fuisse negatas. Ita *Aula p. 3. d. 2. d. 1. conclus. 6. P. Nauarr. lib. 2. cap. 2. dist. 5. num. 243. Henrig. lib. 13. cap. 3. num. 3. & cap. 14. num. 3. Sanchez lib. 3. matrim. d. 5. 1. num. 12. Castrop. d. 4. de censib. pun. 5. §. 1. num. 7. & alij apud istos.*

Primo; Quia distributiones sunt debitæ præsentibus, & canentibus in Choro. Canonicus autem fuit præsens, & cecinit. Neque obstat videtur, quod non cecinerit ex officio. Nam ad distributiones percipiendas, satis est exercere actus, propter quos dantur distributiones, neque est necesse, ut exerceantur ex officiis hoc enim nullibi habetur, nec vlo iure constat; Imo æquum est, ut qui sentiat onera, sentiat & commodum; esto officij onera non sentiat ex officio.

Secundò; Quia Canonicus, per suæ suspensionem à Diuinis officijs, ab ijs tantum diuinis officijs fuit suspensus, quæ alicui ordini sunt annexa; *cap. enim 1. de sent. & re iudicata in 6.* Suspensus à diuinis, ita prohibetur suum officium exercere, sicut prius, ut si diuinis se ingrat, irregularitatem incurrat. Certum est autem, irregularitatem non incurri, nisi per hoc, quod aliquis actus alicui ordinis deputatus solemniter exerceatur. Sed munus psallendi in choro, nulli ordini est annexum; olim enim ab alijs actibus ordinum minotum, imò etiam clericalis tonsuræ erat distinctum, cum *cap. 1. d. 21.* constitueret gradum psalmistatus, cuius munus erat, psalmos in choro canere, qui gradus designt esse in usu in Ecclesia, & nunc putatur coniunctus cum gradu Clericalis Tonsuræ, quæ non est Ordo.

S 2

Ergo

Ergo Canonicus, per suspensionem à Diuinis officijs, à munere psallendi in Choro non fuit suspensus. Ergo quantum distributiones essent debitæ solum canentibus in Choro ex officio, adhuc essent illi debitæ. Vere enim cecinit ex officio.

9. Neque obstat, quod aliqua præstare non potuerit, quæ ad aliquos ordines pertinent. Nam ad distributiones percipiendas, non est necesse, ut quis præstet omnia, quæ præstantur in Choro; sed satis est, si aliqua præstet; alioquin suspensus ab officio, eo ipso censeretur etiam suspensus à beneficio, sive à frumentis beneficij; suspensus enim ab officio, omnia illius officij munera præstare non potest, sed solum aliqua, à quibus non fuit suspensus. Sicut ergo suspensus ab officio, quia aliqua ad beneficium pertinentia exercere potest, percipere potest si uetus beneficij; ita suspensus à Diuinis officijs, cum canere possit, & Choro assistere, percipere poterit distributiones assistentibus, & canentibus debitas; esto præstare non possit ea, quæ ad ordines pertinent.

10. Tertiò; Quia, etiam si concederetur, munus psallendi in Choro, alicui ordini Clericali esse annexum, & consequenter sub diuinis officijs comprehendendi, adhuc tamen suspensio à Diuinis officijs, intelligeretur solum ab ijs exercendis ex officio, non vero aliter quam ex officio; Hinc enim est; inquit *Nauarr. lib. 5. de sent. excomm. consil. 64.* vt Episcopus à Diuinis suspensus, confiteri possit, communicare, missam audire, &c. quia hæc omnia præstat non ex officio, sed tan-

quam Laicus; Canonicus autem, licet Epistolam in Choro cum vestibus canere non potuerit, neque vt Hebdomadarius; canere tamen potuit tanquam Laicus, & consequenter etiam percipere fructus, qui canentibus, & præsentibus distributioni solent; vere enim fuit præsens, & cecinit.

COROLLARIA.

Colligitur ex dictis primò; Suspensum simpliciter ab officio, non manere suspensum ab ijs officijs, quæ meritis Laicus exercere solet, sed ab eo solum officio, quod ordini Clericali, sive Sacro est annexum; Tum quia alioqui Violans suspensionem, non incurrit irregularitatem; hæc enim incurritur solum propter exercitium alicuius ordinis in statu censuræ. Tum quia, sicut Laici non sunt capaces suspensionis, ita neque munera, quæ exerceri possunt à Laicis, sunt materia capax suspensionis. Tum denique, quia ideo Laici non sunt capaces suspensionis propriè dictæ, quia suspensio, est solum circa actus Ecclesiasticos. Actus autem, qui exerceri possunt etiam à Laicis, non sunt propriè Ecclesiastici.

Secundò; Suspensum simpliciter ab officio, intelligi suspensum ab officio, non tantum Ordinis, sed etiam iurisdictionis, hoc est à potestate, quæ illi conuenit, vel ratione Ordinis, vel ratione iurisdictionis. Usus enim tam Ordinis, quam iurisdictionis, competit ratione officij. Ergo suspensus ab officio, ab utriusque usu intelligitur suspensus. Vnde, non solum celebrare non poterit, sed nec excommunicare, aut beneficia conferre,

aut

aut Sacra menta alijs ministrare. Imo nec Ordines recipere, quia Ordo sumitur ad Ordinis actiones exercendas *Filius trist. 17. cap. 2. quæst. 1. num. 15.*
 13 Tertiò; Suspensum simpliciter ab officio, non intelligi suspensum à beneficio, eiusque fructibus; Tum quia pœnae non sunt ampliandæ, nisi ratio alter suadeat. Tum quia, aliquando fertur suspensio ab officio simul, & beneficio; Tunc autem aliquid plus importari debet, quam importetur, dum fertur tantum ab officio. Suspensus tamen ab officio, sui beneficij onera, quæ per se exercere non potest, per alium supplerre debet; alioquin beneficij fructus percipere non posset, cum beneficium datur propter officium *Nauar. cap. 27. n. 160.*

14 Quartò; Suspensum ab Ordine absolute, & sineulla limitatione, intelligi suspensum ab omni ordine. Quia verba generalia generaliter sunt intelligenda. Et nomen *Ordo* absolute prolatum intellegitur de omni Ordine.

15 Quintò; Suspensum ab Ordine, non esse eo ipso suspensum à iurisdictione. Quia Ordo cum iurisdictione non est necessariò connexus, Episcopus enim electus, & confirmatus, ante Consecrationem, exercere potest iurisdictionem, quam per confirmationem accepit, excommunicando, & ab excommunicatione absoluendo, Confessarios eligendo, casus resuando &c.; & tamen nondum Ordines conferre potest, quia nondum est consecratus. *Aula 3. par. disp. 2. dub. 1.*

Sextò; Suspensum ab Ordine, nec sū. 16 spensum videri à beneficio; quia beneficium, non fundatur in Ordine, sed in primâ tonsura, quæ in rigore non est Ordo. Si tamen per suspensionem ita impediretur, vt munus suum, neque per se, neque per alium exercere posset, tunc indirectè etiam à beneficij fructibus esset suspensus; quia beneficium datur propter officium, vt dictum est.

Septimò; Suspensum ab Ordine in 17 feriore, censi etiam suspensum à Superiori. Tum quia Ordo superior inferiorem supponit, tanquam fundamentum. Tum quia, cui non licet minus, nec licare debet maius, quando tamen maius cum minori connectitur. *Arg. cap. Cum illorum: de senten. excom. Suspensus tamen ab Ordine Superiori, suspensus non videtur ab inferiori; quia inferior non fundatur in Superiori. Vnde suspensus à Sacerdotio, Epistolam, ac Euangelium, ex officio canere potest. Reginal. lib. 32. num. 15.*

Octauò; Suspensum à beneficio, si 18 aliunde non habeat, vnde viuat; vel officium suum exerceat, moderatam fructuum quantitatem, iudicio prudentum, percipere posse, qualis daretur alteri, beneficio inservienti. Tum quia, qui sentit onus, sentire debet, & commodum. Tum quia indecens videtur, vt Beneficiarius, cum status Clericalis opprobrio, emendicare cogatur. Tum denique quia ita colligitur: *ex cap. Conquerente, de Cleric. non resid.*